



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

II.

IN DIE PARASCEUES.

fol. 17^a

IN NOMINE EIUS CUIUS PASSIONEM INTENDIMUS DESIGNARE. PRECURSOR PRIMUM INTRAT ET DICIT RIGMUM:

- NUN merkt, jr herren, all geleich,
 Payde armm vnnd Reych,
 Frawen vnd auch man,
 Wass ich euch zusagen han:
 5 Wo wir es nechten han gelan,
 Do heb wir es heut wider an
 Vnd sagen, wie jhesus crist
 Als heut gemartert worden ist.
 Darumb jr seligen kindt der cristenhayt,
 10 Ir suldt mit andacht sein beraydt,
 Zü schreyben jn ewer hertz dy wordt,¹—
 Gott selbes gesprochen hatt
 Durch den propheten ann einer statt,
 Des nam jst moyses genandt;
 15 Das puch leuiticj woll erkandt,
 Dar jn dy wordt geschriben stan,
 Von [den] jch willen zureden han.
 Sy geleichent disem tag woll,
 Ain yder man sy merken soll.
 20 Vnd jst also der wörtter sag:
 Der mensch, der heut an disem tag
 Sich nit betrübt, der wirdt verderben
 Von seinem volck vnd ewiglich sterben.
 Ich nym jn von dem volck mein:
 25 Dy wort solt jr mercken fein,²
 Welt jr von gott nit sein vertriben
 Vnd welt alle werden verschriben
 In das puch der ewigkait,
 Da Ewig freudt jst vns beraydt.

1. Der nächste Vers mit dem Reim auf *wordt* fehlt auch in St. und Pf. Cf. W., p. 78. 2. Ms. *sein*.

- 30 Darumb seydt betrubt heut jn gott
 Vnd treibt darauss nit schimpf noch spott,
 Als man manigen groben menschen vindt ;
 Als pald er entphindt,
 Das eyner jn ainem Reim misredt,
 35 So treibt er darauss sein gespödt
 Vnd lacht des spiles gar ;
 Das man nicht Thun soldt furwar,
 Wan es doch zu eren jhesu crist
 Warlichen angefangen jst
 40 Vnd nit auss gespötere y fol. 17^b
 Noch jn solcher püberey,
 Als jms oft ainer fur nymbt,
 Dem Es nit wollgezimbt,
 Vnd doch durch gott angefangen ist ;
 45 Vnd zu bedencken das leiden jhesu crist,
 Das durch solich spill,
 Der es sunst betrachten will,
 Vill mer zu andacht bewegt wirdt,³
 Wan so man es mit wortten redt.
 50 Darumb seit heut betrubt mit gott
 Vnd bewaintt sein marter vnd sein todt,
 Die der her heut gelitten hatt
 Von wegen vnser missetatt ;
 Er gab fur vnnseren todt sein leben,
 55 Darumb das vns das leben wurdte gegeben.
 O mensch, bedenck der libe gross !
 Wir weren noch des teuffels gnoss.
 Sein edels plutt der her verrert,
 Damit hat er vns von der hell ernert.
 60 Das solt jr heut gedencken an,
 Ir liben cristen, Frawen vnd man.
 Vnd last euch nit verdrissen,
 Sunder zehet von den augen lat fliessen.
 Pewaint sein heilige marter rain
 65 Vnd seidt nit herter dan ein stain.
 Dye mochten erleiden nit den todt,
 Sy zerklüben sich von rechter nodt.
 Sun vnd man von seiner pein

3. Bei *Pichler*, der p. 16 diese Stelle aus dem Sterzinger Spiel mitteilt, heisst es: *wirdt bewegt*.

Verlüren iren lichten schein ;
 70 In vinster wardt verkerdt der tag,
 Die erdt erpidmt von der cklag,
 Der van wardt zerrissen⁴ jn dem tempel.
 Dar pey nembt euch ein exempel
 Von seines todes pitterkayt.

75 O säliger mensch, nun pis beraydt,
 Zutragen seiner marter schein
 In klag von gründt des hertzen dein,
 Vnd stet mit gantzem⁵ hertzen bey
 Der werden magt marey,

80 Dye ckleglich vnd jn jamers notd
 Pewaint jrs liben kindes Todt.
 Das soll wir heut mit schmerzzen
 Begraben jn vnserem hertzen
 Vnd sollen der magt raynnen

fol. 18^a

85 Ir laydt hellffen bewainen,
 Vnd jamer mit jr tragen,
 Das vns werdt abgezwagen
 Vnser sundt vnd missetat,
 Daz wir kömen an dy stat
 90 Der steten freydt vnd selighait,
 Dy vnns von gott jst beraidt
 In seinem framen himelreich.
 Daz wir das nyssen ewigcklich
 Durch seinen heyiligen namen,

95 Das hilff vns gott, spricht alle amen !

Deinde transeunt omnes quilibet ad locum suum, Pilatus ad locum specialem, Cayphas et annas ad stationes cum ceteris judeis, Herodes ad locum suum, Sinagoga ad locum.

Seruus Pilati preceedit ante Pilatum et dicit :

WEICHT vnd tredt hin dan Ferr :
 Hye get Pilatus, mein herr,
 Ein Furst jn judischen landen ;
 Die haiden hat er all vntter sein handen,
 100 Recht vnd an vnntterscha[i]dt,
 Schandt vnd laster wer jm laidt.

Et quum Pilatus venit ad sedem Tunc *seruus* subiungit

et dicit Pilato Rigmum :

HER, nun tret her jn den sallf

Vnd nempt des Zepters warr
 Vnd nempt die kron jn die handt ;
 105 Wan wir sein des gemandt,
 Das wir kainen cristen
 Nicht lenger wellen fristen.⁶

Hic quilibet capiat locum suum Et canit "scadoch"⁷ interim.

Pilatus ad seruum :

SAG an, degen vnuerzait vnd jüng,
 Was bedeut hie die gross samung
 110 Von als vill frawen vnd man,
 Die ich alhie vor mein sich stan?

Seruus dicit :

HER, das wisset schlecht:
 Die juden wöllen haben ain recht
 Vnd werden euch pringen an ainem pandt fol. 18^b
 115 Ainen, der ist jhesus genandt.

Pilatus dicit :

ACH, das weren seltzam merr !
 Ich hör, es sey ain gutter lerer,
 Vnd thuet vill wunders, hör ich sagen.
 Nün merck was sye werden klagen ;
 120 So sprich ich auff die trewe mein :
 Dem rechten soll nymandt wider sein.

Postea congregatis phariseis et pontificibus cum scribis ducunt
 ihesum ligatum manibus ad Pilatum stantem ante Iesum. *Primus*
judeus dicit seruo pilatj :

LYEBER, sprich zu pilato, wir pitten,
 Seidt das wir ytzund nach judischen sitten
 Nicht gen jn kain judisch hauss,
 125 Daz er vns allen zu lieb kom heraus.

Seruus Pilatj :

HER, die juden sein all da vor
 Gesambt vor deines hauses thor

6. St. hat hiernach einen Passus von vierzehn Versen, die bei Pf. fehlen, Cf. W., p. 79. 7. Prof. C. H. Toy und Dr. R. GOTTHEIL haben die Güte gehabt, dies Wort *scadoch* (oder *stadoch*) zu erörtern. Als annehmbar scheint mir darnach, es als Wiedergabe des hebräischen *Sadák*, "gerecht" aufzufassen. Lautlich würde nur das i Schwierigkeiten bereiten, doch kann man dies dem des Hebräischen nicht kundigen Schreiber leicht zu gute halten.

Vnd pitten vleyssiglich von dir,
Daz du kombst vnd horest jr begir.

Tunc Pilatus exit ad eos Et dicit:

- 130 SEIDT willkomen, pischopf kayphas,
Ir juden all vnd auch annas!
Was ist ewr maynung vnd begir?
Daz thut kurtzlich zu wissen mir.

Cayphas dicit:

- WIR pringen dir disen gepunden man,
135 Daruber soll vrtail des todts gan.
Wan dir jst woll wissen vnd kundt,
Wer gefangen vnd gepunden fur dich kumbt,
Daz er sein leben gantz hatt verworcht;⁸
Darumb todt den an alle vorcht.

Pilatus canit: " Quid enim malefecit". Et dicit:

- 140 WAS hat er vbel gethan,
Daz es so kurtzlich soll ergan?
Des todes vall vnd auch vrtail
Wie jst er euch so leicht vayll?

Cayphas canit:—" Si hic non esset maleficiens tibi eum non tradidissemus."

Et dicit:

- HIET er vbel vnd poshait nit gethan, fol. 19^a
145 Wir hietten jn vngefangen lan
Vnd hietten jn nicht fur dich pracht,
Hiet er sich jn grossem vbel nit vergacht.

Pilatus dicit:

- SEIDT jr sein poshait habt erkant,
So nembt jn selber jn ewr hant
150 Vnd vrtailt jn nach ewr Ee,
Daz er kom zu mir nit mer.

Annas dicit:

WIR sollen offnlich todes pein
Nicht richten, du solt richter sein.

Pilatus dicit:

- SEIDT er so vill vbels hat verpracht,
155 Daz jr also zu seinem tod gacht,
So sagt an auff ewr judischhait,

8. Die Wortstellung in Vers 138 ist dieselbe wie in St. Cf. W., p. 15.

Was er euch hab gethan zulaidt
 Oder was poshait hat er gethan ;
 Er dunckt mich doch sein ein Frummer man !

Annas dicit :

- 160 PILATE, Pilate, diser trügner spricht,
 Das wir sein jn kainer phlicht,
 Dem Romischen kayser zins zügeben ;
 Damit er verschult hat sein leben.
 Darumb verurtail jn kurtzlich zu dem todt,
 165 Ee das er vns pring zu grosserem spodt.

Secundus judeus :

HER Pilate, dir sey geklagt :
 Er hat dem kayser widersagt,
 Wan er hatt sich zu ainen könig genant
 Im selber zu spott vnd zu schant.

Tertius judeus :

- 170 HER Pilate, er hat gejeihen,
 Er hab heren abraham gesehen.
 Er jst woll vor tausent jaren todt.
 Nun was thut jm seins ligens nodt ?
 Man sicht woll an seiner gstalt,
 175 Er jst noch kaum dreissig jar alt.
 Tunc *Pilatus* jntroducit jhesum jn pretorium

Et dicit :

SAG mir pey deinem nutz vnd Frummen :
 Von wannen pistu her komen ?
 Pistu der juden konig vnd jr trost,
 Von dem sy sullen werden Erlost ?

Ihesus dicit :

- 180 Dw hast mich Recht genant,⁹
 Wan du hast dye warhayt erkannt.
 Hastu das von dir selbs, so sag an,
 Oder haben dir die andern zewissen tan ?

fol. 19^b

Pilatus dicit ad ihesum :

- MICH kümert das judisch leben ;
 185 Dein volk hat dich mir selber geben.
 Darumb, waystu etwas zw genyessen,

Desoltu vor mein [nicht] verschliessen ;
 Vnd sag mir von deinem künigreich :
 Wo ligt es auff erdtreich ?

Ihesus dicit ad Pilatum :

- 190 ICH sag dir fürwar, das mein reich
 Nit ist auff diser erden zeyttleich.
 Wan wär mein reich jn diser welt,
 So hyet ich knecht vnd auch gelt,
 Die pillich nach mir vächten,
 195 Das mich die juden nit schwächen.

Pilatus dicit ad ihesum :

ALSO hastu doch pekandt,
 Dastw ain künig pist genandt ?

Ihesus dicit ad Pilatum :

- Dw redest wol den rechten syn,
 Wan ich sicherlich ain künig pin
 200 Vnd pin auch sunder geboren,
 Das ich zewgnüs der warhait hab erkoren ;
 Vnd ydlicher, der da ist aus der warhait,
 Hört, was jm durch [mich] wirt gesaytt.

Pilatus dicit ad ihesum :

- IHESUS, ich melt gen dir ain frag :
 205 Was ist die warhait ? das sag.
 Ihesus tacet, tunc *pilatus* exit ad judeos

Et dicit :

- Ir juden, kain schuld ich vinden kan
 Auff ihesum, den gegenwürttigen man,
 Dye jm schedlich müg gesein
 Oder darumb er sol leyden pein.
 210 Ir hab dan auff jn ander sach,
 Wer ways dan, was ich mit jm mach.

Quartus judeus ad pilatum :

- PYLATE, diser tzawberer hat gesprochen :
 Wär der tempel gantz nider geprochen,
 Er wolt jn in drey tagen wider machen
 215 Mit yppiklichen vnd wunderlichen sachen.
 Darumb schaw, daz wir vor jm wesen frey,
 Das er vns nit trieg mit tzawberey.

Pylatus dicit ad ihesum :

fol. 20^a

IHESUS, wie pist ain man,
Hastu dise redt gethan ?

- 220 Das ist gar ain vnmüglich ding ;
Wan mir sagen der juden kind,
Wie Salomon, der weys man,
Vil jar hab gepawet dar an.

Ihesus tacet, Quintus judeus :

PYLATE, ich wil dir sagen mer :

- 225 Der pöswicht fürdt ain neue ler
Vnd hatt dem volk ain neues leben
Wider der vätter vnd moyses gepot geben.
Dye schlechten juden sindt durch jn betrogen
Vnd falschlich aus vnser ee getzogen,
230 Gäntzlich wider recht vnd gottes er,
Gemainigklich von galilea hyntz hye her.

Pilatus dicit ad ihesum :

IHESUS, pistu vonn galilea ?
Warumb peleybstu nit da ?
So wärstu solichs klagen

- 235 Von den juden vertragen.

Ihesus tacet. *Pylatus dicit ad milites suos :*

IR werden ritter, nün rattet zw,
Was ich mit disem manne thu.
Ich gib vngeren vber jn gericht,
Wan ich vindt an jm kain schuldt nicht.

Primus miles pilati :

- 240 HERRE ich ratt dir zw diser frist,
Seytt er von gallilea ist,
Das dw auff jn vrtayllestnit,
Wan herodes zw gehört daz gericht.
Darumb soltu aus deinen henden
245 Ihesum zw künig herodes senden,
Der mag dan wol richten vber jn ;
Herre, das ist mein ratt vnd mein syn.

Pylatus ad secundum militem :

DEINEN ratt ich nit verschlag.
Wass rattestw ? das sag.

Secundus miles pilatj:

- 250 SENDT jn zw herodes hyn
 Vnd lass den richten vber jn;
 Als mein gesel gesprochen hatt;
 Das ist auch mein syn vnd mein ratt.

Pilatus dicit ad milites suos:

- SEYTT er ist von herodes gericht, fol. 20^b
 255 So wil ich vber jn richten nicht,
 Ich schaff mit euch, gewert mich des,
 Vnd fürdt jn hyn für herodes.
 Sprecht auch, daz er auff sein leben¹⁰
 Nach schulden sol vrtayl geben.
 260 Auch haltet ihesum jn eur huett,
 Wan die juden haben pösen müdt
 Vnd tragen dem menschen grossen has;
 An jr yppigen klag hör ich das.
 Dye juden villeich vntter wegen
 265 Mochten ihesum mördtlich nyder legen.
 Darumb beschirmbt disen¹¹ man ihesum,
 Das er lebendig für herodes küm.

Tercius miles Pilatj:

- HERRE, wir wellen thün, als wir süllen,
 Vnd deine gepott williglich erfüllen.
 270 Vnd ob dy juden wolttten sein vngemüdt,
 Wir schlügen sy, das das pluett
 Von jn rün an massen
 Alhie jn allen gassen.

Sextus judeus dicit:

- So gee wir all für herodes tüer
 275 Vnd legen jm vnser kläg für,
 Dye wer haben wider den trugner ihesum,
 Der doch nye ist worden frum;
 Wan herodes pas erkendt das recht,
 Der macht vns dy sach pald schlecht.

Tunc ducunt ihesum ad herodem. Interim scola Iudeorum canit.

Herodes dicit:

- 280 SEYTT willigkum ir allhye gesambt,

Wie ewr yeglicher say genandt!
 Saget an, was mainet jr
 Vnd wen pringt jr gefangen mir?

Quartus miles centurio:

HOCH mächtiger künig, dir hat gesandt
 285 Pilatus disen mann ihesum zw deiner handt.
 Den haben die iuden vor jn zw recht gestalt;
 Nün ist er von galilea vntter deinem gwalt.
 Darumb magstu machen ain frag
 Vnd auch hören der juden klag.

Herodes dicit ad judeos:

290 WAS ist wider Ihesum ewr handel fol. 21^a
 Oder begert [ir] von jm wandel?

Cayphas dicit ad herodem:

HERRE herodes, diser nendt sich ihesum crist,
 Der doch ain falscher lerer ist
 Vnsers¹² volks¹² vnd der jüdischen ee,
 295 Hyntz her zw vns von galilee.
 Auch verkündet dir hye der iuden schar,
 Das der trugne[r] hatt geredt furwar,
 Er sey warer mensch vnd warer gott;
 An dem vernymstw wol grossen spott.
 300 Er thut auch wider kayserlichen gewalt,
 Wan er sich für ain künig hält,
 Das wir al von jm haben gehort.
 Noch redt er mer schedlicher wortt,
 Das wir dem kaysser sullen widerstreben
 305 Vnd hinfür kainen zins geben.
 Ander schuld hat er noch gar vil¹³,
 Dye ich dir yetzundt nit ertzellen wil.
 Edler herre herodes, dein weissheit nün wol verstat,
 Das er den tod manfaltigklich verdient hat.
 310 Seytt das er nün ist aus¹⁴ deinem landt,
 So pitten wir, das dw jn zw handt
 Schaffest zw kreützigen seine gelidt,¹⁵
 So müg wir dar nach sein mit fridt.

Herodes dicit:

IST das ihesus, der grosse man,

12. s von späterer Hand zugefügt.

13. Ms. *vir*.

14. Ms. *auff*.

15. Ms. *geldt*.

- 315 Der so grosse wunder hatt gethan,
 So will ich sicherlich veriechen,
 Das jch jn geren hab geschen.
 Aber mich wundert. das [er] mit seiner¹⁶ kunst
 Nicht mocht gehaben eweren gunst,
 320 Oder das er nicht jst gewichen,
 Das jr jn nit het erschlichen?

Herodes dicit ad milites suos:

- GETREWEN ritter, gebt eweren radt,
 Nach dem als ewer yeder vernünfft hatt,
 Ob wir mochten geschaffen frid vnd suen,
 325 Oder was jn der sach sey zu thun.

Primus miles herodis dicit:

- HER herodes, jch will trewlich ratten dir,
 Ob dir geuelt¹⁷ zu volgen mir:
 Seyt dw gewalt hast vber den man,
 Der so vill manig seltzam wvnder kan,
 330 So schaff, das er dich las sehen
 Ain zaichen, das von jm sey geschehen.

Secundus miles herodis dicit:

fol. 21^b

- LYEBER her hayss jn machen
 Etwas des wir mugen lachen.
 Sy sprechen, er kan gar manigerlay,
 335 Der hayss jn machen ains oder zway.
 Vnd wan wir nun das sehen,
 So wellen wir jm meister schafft jehen.

Herodes dicit ad jhesum:

IHESUS, liber, thue mir schein
 Ein taill der zaichen dein.

Ihesus tacet [Herodes]¹⁸ dicit:

- 340 LIBER, las mich ain zaichen sehen,
 Der do manigs von dir jst geschehen;
 Das mocht dir nutz pringen,
 Dir mocht auch von mir woll gelingen.

Ihesus tacet.

16. Ms. *seinen*. 17. Das *e* der letzten Silbe ist übergeschrieben.

18. Der Name *Pilatus* ist ausradirt, ebenso der Name des Spielers. Esmuss natürlich *Herodes* heissen.

Herodes iterum dicit ad milites suos:

- GEBT radt, liben ritter mein.
 345 Mich bedunckt, er woll ein tor sein.
 Was solt jch an jm rechen?
 Nun will er kain wort sprechen.

Primus miles herodis:

- HER, mein ratt jst dir beraidt:
 Las jm an legen ein weisses klaidt;
 350 Was man jm darnach zu laidt thut,
 Das dunckt mich alles gutt.

Secundus miles herodis:

- ICH radt dir, her, auff mein leben:
 Dü solt jn den juden widergeben.
 Las jm an legen ain weyss klaidt
 355 Vnd thu seinem leib kain laidt,
 Vnd sendt jn wider zu pilato,
 Der mag sein woll werden fro.

Quintus famulus herodis porrigit herodj palium album

et dicit:

- NEMBT hin den mantel weiss,
 Den legt jm an mit fleiss.
 360 Da pey mag man werden schein,
 Das er ain nar soll sein,
 Seidt das er nit kan reden.
 So fugt jm das weiss klaidt eben
 Vnd lat jn wider zu pilato füren,
 365 Der mag da pey woll spüren
 Vnd erkennen sein torhaydt,
 Dy mochten jm noch woll werden laidt

fol. 22^a

Herodes dicit militibus suis:

- SEIDT jr also habt geratten,
 So suldt jr euch nit verspatten,
 370 Vnd klaidet jn zu hantt
 Mit disem weysen gwandt.

Herodes iterum dicit:

- FURT den naren hin vill dratt
 Widerumb zu dem richter pilat,
 Daz er selber mit jm schaff;
 375 Ich main, er sey worden ein aff.

Vnd thut jm auch da pey schein,
 Daz ich sein freundt woll sein
 Vmb alles, daz er wider mich
 Ye hat begangen sicherlich.

Hic disponitur judas. Tunc milites pilati ducunt jhesum retrorsum¹⁹ ad pilatum. Et tempore medio judas venit ad judeos et clamat alta voce: "Peccaui, tradidj sanguinem justi".

Et proicit pecuniam ad templum et dicit:

- 380 NEMBT hin wider ewer pöss gutt!
 Ich han das vnschuldig plutt
 Verkauft vbel vnd mördlich:
 Das wissent jr juden all geleich.
 Wan jch hab das ware leben
 385 Mit mördt jn den todt geben.

Cayphas dicit:

DEINES gutts wöll wir nicht!
 Hastu mor[t]lich geschicht
 Vollpracht, das get vns nit an;
 Gewin vnd verlust soltu selber han.

Iudas dicit:

- 390 ACH mir, heut vnd ymmer ach!
 Daz ich ye gedacht diser sach!
 We, heut vnd ymer Eewiglich,
 Daz jch meinen gott von himelrich
 Vmb schnodes gutt verkaufft han
 395 Mit dem verratten, das ich han gethan!
 Wie mocht mein ymer werden ratt,
 Seidt ich hab begangen solche tatt!
 Wie mocht mir solich sundt werden vergeben!
 Ich solt nit pillich auff ertrich leben!
 400 Ich soll pillich darumb hangen,
 Vnd also mein endt erlangen!

fol. 22^b

Tunc venit diabolus et dicit ad judam:

- IUDAS, wiltu dich hencken,
 So will ich dir ein strick schencken;
 Wen ich dir daz ratten will:
 405 Hencken jst dein pestes spill.

19. Ms. *eguerso*, eine Form, die ich mir nur als Contamination von *egresso* und *reuerso* erklären kann; ich habe dafür das häufiger vorkommende *retrorsum* gesetzt.

Darnach jch dich pringen wolt
Da du ymer vnd ewigl[i]ch sein solt.

Tunc *judas* accipit laqueum a diabolo

Et dicit:

- GENADT, herr, der luciper!
Ich pin also kumen herr
410 Vnd pin der arem Iudas,
Der gottes verretter was.
Darauff so setz jch meinen mütt,
Wie jch jn geb vmb klaines gutt;
Vnd hiet jch rew entphangen,
415 Villeicht wer es mir pas ergangen.
Des²⁰ hab jch laider nit gethan,
Des muss jch jn der helle stan,
V[i]lt tief jn der pitteren hell,
Darin muss jch leiden pein vnd quell.

Diabolus dicit:

- 420 Iudas, will dir woll gelingen,
So soltu mir ein pessers singen.²¹

Iudas lamentatur:

- VERFLUCHT sey die erden,
Darauff mich gott lies werden!
Verflucht sey d vatter vnd dy mutter mein!
425 Daz sy alle müssen verflucht sein!
Verflucht sey die stund vnd der tag,
Daran jch auff erd geporen wardt!

Diabolus dicit:

- IUDAS, nun hab gutten danck.
Dw hast mir gesungen ein gutten gsangk
430 Vnd hast deinen herren verratten;
Darumb muss dein leib vnd sell pratten
Vill tief jn der helle grundt,
Vnd jch will dir gissen schwebel jn dein mundt
Vnd will dir zuschuren gross feur
435 Vnd machen all dein freud teur.

fol. 23^a

Et sic Iudas vestinans erupit vllulam et clamat ad modum desperantis et suspendit se. Interim scola judeorum canit. Tunc quidam *famulus iudeorum* colligit pecuniam et defert ad judeos

20. St. *des*; Pf. *das*. 21. St. *So soltu mit ain p. s.* Pf. *So mustu mier ein p. s.* Cf. W., 81.

Et dicit :

- IR herren, was jst euch zu mudt ?
 Was ist zu thun mit disem gutt ?
 Weren euch darumb gulden ewen,
 Der wolt jch euch genug geben ;
 440 Da wer ain wechsel gwin pey,
 Aber doch geschech, was ewr will sey.

Primus judeus :

- WAS wellen wir des gutts ?
 Es ist ein lon des pluts,
 Daz Iudas mordlich nam.
 445 In den schrein Karwoan²²
 Soll man es legen nicht :
 Das wissent sicherlich.

Secundus judeus :

- MAN soll den acker achaldemach
 Darumb kauffen zu diser sach,
 450 Daz man darein mug gelegen
 Pilgrein, die da sterben vntter wegen.
 Tunc ducunt Ihesum ad Pilatum. Interim sinagoga canit.

Pilatus dicit :

- WIE jst es euch ergangen ?
 Bringt ir ihesum noch gefangen ?
 Warumb wolt herodes nit richten
 455 Vnd ewer sach gar schlichten ?

Annas respondit :

- PILATE, das thue wir dir kuntt :
 Herodes der mocht zu diser stundt
 Mit jm so vil nit gedingen,
 Das er ain wort aus jm heth mugen pringen.
 460 Des hatt herodem verdrossen
 Vnd hatt jm das ways klayd an gestossen,
 Wan jn sein ritterschaft darumb padt,
 Vnd gaben jm²³ auch dar zw den radt.
 Vnd herodes wil da mit pedeuten,
 465 Das ihesus sein ain tor vor den leutten ;

fol. 23^b

22. Nach dem hebräischen *korban*, "Geschenk." Jede Gabe für den Tempel hiess *korban*. (Nach Mitteilung von Prof. C. W. Toy).

23. Ms. *ju*.

- Vnd hat jn zw dir geschick[t] fürgericht,
 Daz dw den jrsayl selbss machst schlecht.
 Er enpeudt dir auch da pey,
 Das er dein guetter frewndt sey
 470 Vmb allen handel vnd vngemach,
 Das tzwischen ewr payder ye geschach.
 Nün pitt wir dich mit gantzer pegir,
 Daz den pöswicht verurtaylst schier.

Pilatus dicit ad judeos:

- IR juden, ir sült haben geduldt!
 475 Herodes vnd ich finden kain schuldt,
 Dye jm an das leben mügen gan.
 Darumb sült ir ain genüegen han;
 Wan ich jn getzüchtig mit ruetten,
 Das ir seinen leib secht pluetten,
 480 So ladt jn kömen von der nött;
 Was behilfft euch sein todt?

Iudei clamant: "Crucifige eum! Crucifige crucifige eum"!

Tercius judeus ad pylatum:

- PYLATE, dw magst sein todt nit wenden,
 Er muess sein leben am kreutz enden.
 Kain ander genügen hab wir nicht
 485 An dem trugner vnd falchen pöswicht.
 Vnd ob das pluett gar von jm rün,
 So schaw daz er dem todt nit enttrin.

Pilatus dicit:

ICH verstee gar wol euren syn,
 Aber jr betzeug kain schuld auff jn.

Quartus judeus ad pylatum:

- 490 HERR pilate, das ist grosses vnfüeg
 Vnd vrsach zw dem tod genueg,
 Daz er spricht, er sey gottes kindt.
 Darin²⁴ ich kain warhayt vindt;
 Wan sünst mocht er nach seinem willen
 495 Vns²⁵ all sambt gar leicht stillen.

Pilatus ad ihesum:

IHESUS, gib mir dein antwurdt:

24. Corrigirt aus *darumb*.

25. Ms. *Vnd*.

Von wannen ist dein gepurdt?
 Die juden haben gen dir vngeduldt;
 Wie hastw es vmb sy verschuldt?

Ihesus tacit, pilatus dicit:

fol. 24^a

- 500 WILTU mir nit antwort geben?
 Nun hab jch doch gewalt vber dein leben,
 Daz ich dich mag bey der welt lan
 Oder dem kreutz machen vntterthan.

Ihesus dicit:

- Dw hiettest kain gewalt gen mir,²⁶
 505 Wår er nicht von oben gelichen dir.
 Darumb sein dem mer sundt gesambt,
 Der mich gab zu deines gerichtes hant.

Tunc *uxor pilati* mittit famulum ad pilatum,

Et dicit famulo:

- LYEBER knecht, ge hin vill dratt
 Zu meinem herren pilatt
 510 Vnd sprich, als lib ich jm sey,
 Daz er ihesum las frey;
 Vnd daz er nit richt vber seinen leib,
 Sunder daz er pey leben bleib,²⁷
 Vnd verurteilt nicht sein plutt;
 515 Wan er jst sicher heylich vnd gutt.
 Vnd hab von seiner wegen vill erlitten,
 Als jch das alles geren hiet vermitten;
 Darumb jch haint jn der nacht
 Hab lange zeit betracht,
 520 Von wannen nur kum solich gesicht,
 Vnd finden mug anders nicht,
 Dan das er nür kum von gott.
 Darumb sprich, daz pilatus sein nott
 Auff sich nit las pringen;
 525 Wan jm mocht darnach vbel gelingen.

Seruus uxoris pilati dicit Pilato:

HER Pilate, dein fraw dir entpeutt,
 Wie sy jn der frw gen dem tag heutt
 Erlitten hab vill grossen schmerzen

26. Vers 499-502=St.; doch hat letzteres in V. 502 das richtigere
ambt. Pf. weicht stark ab. Cf. W. p. 66. 27. Ms. *sey*.

- Vnd wunderlich gsicht jn jrem herten,
 530 Vnd maint, er sey ain frumer man,
 Daz er auch nit vbel hab gethan.
 Nun pitt sy, dastu thust deinen fleis,
 Darzu pistu woll mechtig vnd weis;²⁸
 Auss deinem gwalt du es woll vermagst,
 535 Daz du jhesum des todts ledig sagst.
 Du solt jn auch nit vrtaylen,
 Wan du möchtst dich an jm vermaylen.

fol. 24^b*Pilatus dicit seruo:*

GEE hin wider, lieber knecht,
 Vnd sprich, jch well jm thun sein recht.

Tunc Pilatus exit ad judeos. Et dicit:

- 540 Es jst ewer alte gewonhait,
 Daz man zu der osterlichen zeitt
 Der gefangen ainen ledig lass.
 Nun sprich jch ytzt an allen hass,
 Das jch zwen gefangen han:
 545 Ihesum crist vnd auch barraban,
 Der ain böser morder jst gebessen,
 Darumb er vnpillich soll genesen.
 Pedeucht euch daz gutt eben,
 So liess wir jhesum leben.

Quintus judeus dicit ad alios:

- 550 IR herren, merckt mich eben!
 Lass wir disen menschen leben,
 Vnnser gewalt wirt erstörtt,
 Er lies vns auch nit vnbetortt.
 Darumb schreyt all den richter an,
 555 Daz er ledig las warraban.

Tunc judej clama[n]t: "Non hunc sed barrabam"! Et barra-
 bas dimittitur.

Annas dicit:

- PILATE, ihesus müss sterben!
 Vmb warrabam horstu vns werben;
 Der hatt sunst gelitten gnüg,
 Wan jm jst erkrumpt sein püg,
 560 Vnd an dem selben schinckel

Muss er allzeit hincken.
 Darumb soltu jn lassen leben,
 Er mag nicht vbel mer angeheben,
 Als jhesus hatt gethan.

565 Darumb gib vns ledig warraban.

Barrabas dicit:

ICH pin²⁹ gehayssen warraban,
 Gross mordt jch³⁰ hab gethan;
 Darumb wart jch gefangen.
 Nun jst es mir also ergangen,

fol. 25^a

570 Daz ich mich hett verwegen,
 Ich must ain zeit des galgens pflegen;
 Aber man hatt nun gelassen mich
 Von todts panden lediglich.
 Dez sag jch danck gar vill grossen
 575 Den juden, der jch hab genossen.
 Aber jm turm geschach mir grosser schadt:
 Fur mich etwan ainer jn ain padt,
 Ob sich die aderen entliessen,
 Daz jch wider gradt wurd an meinen füssen.

Pilatus dicit:

580 Seydt das nun warraban jst gelassen
 Entlich ledig auff dy gassen,
 Was gepurt nun fuglich zuthun
 Mit der juden konig, gottes sun?

Iudej clamant: "Tolle, crucifige eum"!

Sextus judeus dicit:

Du solt jhesum jn den luft auffheben
 585 Vnd an ain hoches kreutz schlagen.
 Des haben wir vor von dir begertt,
 Du hast vns aber noch nit gewertt.

Pilatus canit: "Regem vestrum crucifigam"?

Et dicit:

MAG es dan nit anders gesein,
 Dan daz ewr konig soll leiden pein,
 590 So will jch jn lassen kreutzen,
 Daz euch selbs darab wirtt schewtzen.

Primus judeus:

KAINEN konig hab wir nicht,
 Dem kayser sey wir dinstes³¹ phlicht.
 Ihesus hat vber vns kainen gwalt,
 595 Als sein handel noch jst gestalt.

Pilatus dicit ad milites suos:

IR liben ritter vnd knecht,
 Vernembt³² meine wort gar recht:
 Ich begünt jhesum vill zufragen,
 Er hatt mir aber nicht wellen sagen.
 600 Versucht, ob er kām zu wortten, fol. 25^b
 Daz wir sein maynung hortten.
 Furt jn hin dan jn das hauss
 Vnd zicht jn nachet vnd plos auss
 Vnd pintet jn mit grossen stricken,
 605 Daz aller sein leib muss erschrecken,
 Zu dem grossen gehauten stain,
 Daz jm krachen alle seine pain;
 Vnd schlacht jn mit gayssel schlegen,
 Daz er sunst nyndert mug geregen.
 610 Zuchtigt jn mit scharffen ruten,
 Daz all sein aderen plutten;
 Vnd ander pein legt jm an,³³
 Ob er darnach kem dar von.

Primus miles pilatj.

HER pilate, du dorst nit sorgen,
 615 Daz er vnns bedurff zuporgen.
 Wir geben jm gutt schleg beraydt,
 Daz er an seinem leben verzaidt.
 Tunc milites ducunt *jhesum* ad statuarium et ligant eum.

Ihesus dicit:

MICH haben vmb geben lughafftig man
 Vnd furen mich jn des todes pan.

Secundus miles:

620 LEICH her, giesell, dy strick
 Vnd dar zu dy ryem dick.
 Damit will ich jn pinden

31. St.; Pf. *in dinstes*. Cf. W. p. 82. 32. Ms. *vermebt*. 33.
 Ms. *an jn*; Umstellung wird durch den Reim gefordert.

Zu der seull als ain rinden,
 Dye an ligt an dem paum,
 625 Daz er behalt das leben kaum.

Tertius miles pilatj:

So will jch jn behefften
 Nach allen meinen krefftten
 Alhye mit dem gutten rym,
 Daz er dönnt als ain schliem.
 630 Der wirt jn jn den leib peysen,
 Daz jm mocht dy haut zerreißen.³⁴

Quartus miles:

HABT jr aber zeug pracht,
 Damit wir haben gedacht
 Den trügner woll zu pesseren,
 635 Daz er heut pas dan gesteren
 Sich selbs mog erkennen fol. 26^a
 Vnd sich hin fur recht nennen?

Primus miles:

IA, ich han pracht gar schir,
 Zwo gaysel vnd gutter pesen vir,
 640 Damit wir jn mugen stillen
 Nach allem vnserem willen.
 Sehin, gesel, den hab dir,
 So will jch den behalten mir.
 Du nymhin den dritten, nasan;
 645 Hab dir den virtten, gesel nathan.

Secundus miles:

IR gesellen, merckt mich eben:
 Wir sollen jm schleg genug geben,
 Ob er wurd't ledig an dem tag,
 Daz er dy straych mit jm trag.

Primus miles cedit: "meum" dicens.

650 · Se hin, jhesus, den Ersten schlag!

Secundus miles:

ICH gib dir den anderen, ob ich mag!

Tercius miles:

So gib jch dir den dritten frischen,

34. Ms. *zureißen*.

Dir soll auch der virt nit entwischen !

Quartus miles:

- So will ich dir den vunfften geben,
 655 So schlag jch dir nach deinem leben.
 Schlacht nür all an zall,
 Lat jn selber nemen dy wall.

Tunc omnes simul cedunt jn eum. Interim scola judeorum canit.

Pilatus dicit ad milites:

- LAST ab vnd löst jn auff,
 Vnd secht, das er euch nit entlauff !
 660 Ich main, er hab sein genüg.
 Dye durnen kron jst auch woll sein fug ;
 Dye druckt jm jn sein haubt,
 Da von wirt er woll betaubt.
 Vnd schlacht darauff mit stangen,
 665 Daz er sich nit mer las plangen
 Nach kuniglicher Eer,
 Als er gethan hatt vnntz herr. fol. 26^b

Post flagellationem induitur veste purpurea, postea coronatur.

Primus miles:

- SETZ jm auff dy kron
 Vnd richt jm das har schon
 670 Vnd truck sy mit krafft,
 Daz sy jm woll behafft ;
 Vnd hebt an zu ewer seitten,
 So well wir hie auff peitten.

Deinde velantes faciem eius adspuentes in eum³⁵ et salutant eum
 dicentes : *Secundus miles* canit : "Aue rex judeorum"!

Et dicit :

- IR heren, verpint jm dy augen
 675 Vnd schlacht gar haymlich vnd taugen.
 Gebt jm das zepter jn sein hant,
 So wirt er ain konig genant.
 Vnd latt jn weis sagen,
 Welcher jn vntter vns hab geschlagen.

Tertius miles dicit :

- 680 HER juden konig, wir sein mit dir

Vnd beweisen konigliche er dir.
 Wir knyen nider zu deinen fussen
 Vnd wellen dich all hie grussen,
 Wan man dich konig erkennen mag,
 685 Wie woll dastu hast gebebt disen tag.

Deinde *quartus miles* accipit ceptrum de manu jhesu Et canit:
 "Prophetisa nobis, criste, quis est qui te percussit"?

Et dicit:

IHESU, du solt weyssagen,
 Wer hatt dich ytzund geschlagen?

Primus miles: fol. 27^a

PHUI dich, wess hastu dich gezigen!
 Hietest du deiner wordt geschwigen,
 690 So wärstu vertragen der pein;
 Aber ess soll villeycht also sein.

Tunc *Pilatus* educit eum coronatum et purpuratum et canit alta
 voce: "Ecce homo"!

Et dicit:

SCHAUET, wie diser mensch sey gestalt!
 Wie had er so manigfalt
 Grosse pein vnd marter erlitten!
 695 An allen seinen glideren
 Ist er mit starcken gaysseln erschlagen,
 Das er nit merre mag getragen.
 Er jst verwundt an allen enden,
 Das er sich nit mag verwenden,
 700 An Ruck, pain vnd armen:
 Das sol euch pillich erparmen.
 Im ist getrück durch sein hyrne,
 Durch augen vnd durch stirne
 Ain kron von scharpffem³⁶ dorne.
 705 Darumb losset in vonn ewernem zorne;³⁷
 So wayssz auch kain schuldt auff jn,
 Darumb solt jr jn frey lassen hin.

Iudei clamant: "Tolle, crucifige eum"! "Tolle, crucifige eum"!

Secundus judeus:

Pilate, es mag nun³⁸ anders nit gesein,

36. Ms. scharpffen.
 zorne.

37. Ms. Darumb losset im vonn eweren

38. Ms. nit..

- Er muss am kreytz leyden pein, fol. 27^b
 710 Wan er ist sicher ain valscher man ;
 Daru[n]b sol nyemant mit ym³⁹ leyden.⁴⁰
 Es⁴¹ ist vns furwar auch nit eben,
 Das dw also lang fristest sein leben.

Pilatus dicit :

- FUR war, es jst doch vbel gethan.
 715 Sol man vrtallen disen man,
 Sol er vnschuldig am kreutz hangen,
 Der so vil gutts an euch hatt begangen?⁴²

Tertius judeus :

- PILATE, dise red hilfft dich nicht.
 Mach kurtzlich endt dem gricht.
 720 Thue denn⁴³ den sachen ein end(lich),
 Er mag sicher deinr red nitt genyessen.

Pilatus jrascendo dicit :

- MACHT selber vber jn gericht !
 Ich verurtaill disen menschen nicht.
 Tottet jn an dem kreutz, als jr welt,
 725 Oder anders, wie es euch gefelt.

Cayphas dicit :

- WIR haben ain recht vnd gesetz :
 Wer gottes er schendt oder letzt,
 Dem soll man den tod thun.
 Nun spricht jhesus, er sey gottes sun ;
 730 Damit er gottes er hatt gelestert ;
 Darumb jn pillich der todt pessert.
 Woltestu jn aber frey lassen,
 So wirt dich der kayser hassen.
 Du verlurst furwar des kayzers huld ;
 735 Darumb richt paldt dise schuldt.
 Latrones adducuntur per milites, pilatj. Pilatus accipit aquam et
 lauauat manus dicendo: fol. 28^a

“ Innocens sum a sanguine huius iustj ”!

Pilatus dicit :

- SEVTT jr sein nit welt enperen,
 So muess ich euch vnrechtz geweren.

39. Ms. *nit*. 40. Sind hier zwei Verse ausgefallen? 41. Ms. *Er*.
 42. Ms. ursprünglich *gegangen*. 43. Ms. *dem*.

- Geuss her wasser auff dy hendt ;
 Da pey sey euch allen bekenndt,
 740 Das es ist wider meinen muedt
 Zw vrtayllen das vnschuldig pluett.
 Ich wil auch haben kainen tayll
 An der grossen sünden mayll.

Tunc Annas clamat alta voce : " Sanguis eius" etc.
 " Sanguis eius super nos et super filios nostros !"

Annas dicit :

- SEIN pluett gee vber vns vnd vnsre kindt,
 745 Dy nach vns hinfür kunfftig sindt.
 Darumb, pylate, richt behendt,
 Vnd nym wasser genueg auff die hendt.
 Du bedarft von jm haben kain forcht,
 Wan er hat den tod grösslich verworcht.

Pilatus dicit :

- 750 SEYTT jr des⁴⁴ nit welt enperen,
 So muess ich euch des vnrechten geweren,
 Vnd will also die vrtayll vellen,
 Das ihesus vnd die schacher, sein gesellen,
 Süllen Hewt offentlich sterben
 755 Vnd an des kreutzes stam verderben.

Tunc exuunt eum purpura Et induunt eum vestimentis suis. fol. 28^b

Quartus miles dicit ad saluatorem :

IHESUS, leich her das purpuren gewandt
 Vnd leg an deinen rock zehandt.

Pilatus dicit militibus suis :

- FÜERT sy hyn, mein ritter vnd knecht,
 Vnd thuet jn als jr wisset recht.
 760 Führt sy hyn an dye stat caluarie,
 Kumbt pald wider vnd lat sy da.

Primus miles pylatj :

- HERRE, dein gepott sol geschehen,
 Das wirstu noch heindt wol sechen.
 Darumb, ihesus, reck mir deinen kragen,
 765 Dw muest dein kreutz selber tragen.

(Tunc disponunt⁴⁵ sibi crucem etc.) Tunc apponunt sibi crucem.
 Ihesus precedit, latrones secuntur. Tunc occurrit eis Symon cyron-
 ensis Cui fol. 29^a

Primus Iudeus dicit:

So, dw Symon von Cironey,
 Dw pist recht wol da pey;
 Wol her, dw wirst helffen tragen
 Oder dw wirst gar hart geschlagen:
 770 Vnd stee hye an das ort
 Vnnd red dar wider kain wortt.

Symon Cironensis dicit:

Sy nit, lieben herren, (?)
 Ich kum dort her von ferren;
 Ich pin ain armer krancker man,
 775 Das ich für war nit tragen kan,
 Wann ich fert grossen schaden nam,
 Das ich noch jn meinem rucken pin lam.

Tunc *secundus judeus* angariatim trahit eum cum caputio

Et dicit:

PHUI dich, dw pösswicht, dw muest
 Tragen, wie vngeren dw es thuest!
 Tunc ducunt jhesum pusillam viam. Et *Ihesus* canit: "Popule
 meus."

Et dicit:

780 MEIN völcck, gib mir antwurt:
 Was hastu vbles von meiner gepurt
 Von mir empfangen oder erkant,
 Wann ich füert dich auss egipten landt?

Tercius Iudeus dicit:

ACH, dw pist ain vnsinniger man,
 785 Dw soltest von deinem klaffen lan.

Saluator canit precedendo vltcrius: "Quia Eduxi te per deser-
 tum"

Et dicit:

ICH han dich mit meiner handt
 Gefüert in das gelobt landt.
 Ich hab dich mit grosser schar
 In der wüest gespeyst wol XL Iar

fol. 29^b

45. Corrigirt aus *supponunt*. Der Rest der Seite ist freigelassen.

- 790 Vnd genert mit hymel prott;
Nun füberstu mich jn den pitteren tod.

Quartus Iudeus dicit:

Dw nymbst dich gewalt an,
Dw liest nun pillich da von.

Saluator canit precendo vltorius: "Quid vltra debui facere"!

Et dicit:

- O mein volck, sag an,
795 Was sol ich dir mer haben getan!
Ich pawet dir meinen weingarten schon,
Nun gibstu mir gar pitteren lon.

Quartus Iudeus:

- So, wie lang soll wir hye stan!
Mich geet gar seer der hunger an.
800 Führt jn pald an dy stat,
Die er dann verdient hat.

Ibi secuntur tres mulieres quarum vna ex eis

*dicit:*⁴⁶

- O aller liebster maister vnd got,
Dw leydest vnschuldiggklich den pitteren tod.
Daz müg wir petrüebten frawen⁴⁷
805 Mit augen nit wol anschawen.
Doch von grosser lieb vnd pegier
Volgen wir mit grossem schmerzzen nach dir
Vnd pewainen deinen pitteren tod;
Wann vmb dein guette leer kumbstu jn dy not.

Tunc jhesus vertit se ad mulieres

Et dicit:

- 810 Von ierusalem yr töchter vnd kind,
Die von meinem tod petrüebt sind,
Solt nicht wainen ywer mich;
Sunder vwer euch selber sicherlich
Wainet vnd vwer ewre kind,
815 Die noch vngeporen sind.
Wisset sicher, daz es noch peschicht,
Das manigs menschen zungen vergicht:
Sälig sey dy mueter, dy nye gepar

46. Nach dicit steht *cum altare (alta voce?)* 47. Corrigirt aus *weib*.

Vnd die kainem kind gab leib nar.

820 Sy werden auch rüeffen : perg vnd tal,

Nembt auff vns gemainen val ;

Ir solt vns all pedecken,

fol. 30^a

Wann gottes gericht will vns erschrecken.

Tunc veniunt ad locum caluarie et primo c[r]ucifiguntur duo latrones.

Et primus miles dicit :

ICH will dy posswicht plenten

825 Vnd will sy offentlich schentten.

Ich will jn yr gesicht verpintten

Vnd will sy danach vwer dy kreutz pinten

Vnd darein hertziglich flechten,

Daz genueg peschech dem rechten.

830 Darumb leucht her den tzeug,

Das ich den zwm ersten peug.

Ich will ym wol pald machen,

Daz ym alle seine gelider krachen.

Tunc apponit illum crucj.

Et dicit secundo latroni primus miles :

WOL her auch dw mörder,

835 Sich sol an heben dein schwer.

Ich will dir das versprechen,

Daz ich dir dein ripp will prechen ;

Dir soll auch noch dein pauch

Als ain platter werden gelauch.

840 Lungel vnd leber muesz dir zerfaren,

Daz mag ich dir nit lenger sparen.

Iam ligant eos et extollunt. Interim Synagoga canit, postea veniunt ad Ihesum.

Et dicit Secundus miles ad Ihesum :

NEMBT auch den pösswicht hin

Vnd versuecht ain anderen syn ;

Last yn sein sind all püessen.

845 Heftet in mit henden vnd mit füessen

Graussammiglich an daz kreutz,

Daz aller welt ab ym scheytz.

Primus Miles :

DAS sol nach ewrem willen geschechen.

Welt yr mir ain weyl tzw sechen ?

Iterum primus miles:

- 850 WOL her jhesus, dw toretter man,
 Vnd sich vns gar eben an.
 Wir wellen ab dir reyszen dein klayd
 Vnd heut rechen all judischayt;
 Des hab wir vns all hye pedacht,
 855 Dein marter soll werden volpracht.

*Secundus miles:*fol. 30^b

- WOL her jhesus, gee mit mir,
 Ich will woll heutt lonen dir.
 Dein hend vnd füess will ich recken
 Vnd an daz kreutz nach der leng strecken;
 860 Darumb pistu auch gefangen,
 Das dw muest lernen hangen.

Tercius miles:

- SEE hin, leg dem trugner an dy hand
 Den strick vnd das pandt
 Vnd tzeuch hie mit krafft,
 865 So thue ich dort ainen hafft,
 Das er nit hin wider schnell;
 Des pitt ich dich, mein gesell.

Quartus miles:

- LIBER gesell, das thue ich geren,
 Des will ich dich wol geweren.
 870 Ich will dir jn an nagelen,
 Daz er nit mag getzabelen;
 Ich wyll ym machen also hayss,
 Daz er wirt schwitzen pluettigen schwaysz.

Primus miles:

- LASS ab, dw tzerreyst in gar!
 875 Den nagel schlag ich yetzt dar.
 Das ist ainer, tzwey, drey!
 Noch pistu von mir nit frey.
 Vier, fünff, segsz, siben!
 Der nagel ist genueg getriben.

Secuudus miles:

- 880 Ey so muesz ich mich erparmen
 Vwer seinen tencken armen!
 Leg an vnd lasz spannen,

Daz er wert grein vnd tzannen.

Oder pin ich ym tze lind?

885 Mainstu, ob er sein entpfind?

Tercius miles stans circa pedes dicit:

WOL her, daz wir recht messen!

Er ist zw ferre hin ab gesessen.

Greyff ym yn daz har vnd rauff

Vnd ruck yn pasz hin auff

890 Vnd hald da selbsz pey dir vast.

Pistu awer mued, so rast.

Quartus miles stans circa caput Et dicit:

So, gesell, er ist tze hoch,

fol. 31^a

Er muesz hin wider ab noch.

Darumb reck jn hinwider

895 Vnd streck ym die gelider.

Darnach sol man nagel schlachen,

So muesz er dann gantz vertzagen.

Primus miles:

GESELL, leych mir her dy tzang,

Ich will ym machen gedrang;

900 Vnd auch nageln vnd den hamer,

So wirt sich meren sein jamer.

Ich schlag jm durch sein füess payde,

Das kain mensch als vil nye layde.

Secundus miles:

NUN greyfft an vnd helfft all zwe!

905 Ain yeder sein pestes thue!

Er muess auff yn den lufft,

Ob er noch pegreyff vernunfft.

Tercius miles:

RECKT an ewr seyten!

Es ist nit lenger tzepeyten.

910 Vnd hebt all geleich,

Das es euch nit entweich.

Hic tollunt crucem. Interim Synagoga canit. Postea ludunt pro tunica saluatoris.

Primus miles:

IR herren, legt euch nyder auff dy erd,

- So spil wir, wem der⁴⁸ rock werd;
 Wann er ist wol gestrickt,
 915 Er soll nit werden zerflickt,
 Sunst hat yeder seinen tayl.
 Got geb mir gelück vnd hayl!

Secundus miles:

- NUN merckt yr herren all,
 Wie euch daz gefall:
 920 Well wir pald chömen dar von,
 So spyl wir aug auff den man.

Tercius miles:

- So will ich vachen an.
 La sechen, was ich gewin daran:
 Ses, tzingk, quatter hye stat;
 925 An wem dy zal ausz gatt,
 Dem soll der rock gefallen
 Vor den anderen allen.

Quartus miles:

fol. 31^b

Ho! ho! mir ist wol gelungen!
 Ich han den rock gewonnen!

Primus miles:

- 930 DES soll wir alle fro sein,
 Dw gibst jn für vns all vmb wein.

Cayphas dicit:

- IST daz nit ain grosser spott?
 Ihesus, der sich nennet got,
 Hat anderen geben gesund
 935 Vnd mag yetz an diser stund
 Sich selb nit hayl machen!
 Darumb hat er mit teufflichen sachen
 Gethan die wunder tzaychen
 Vnd hat daz volck allso gelaychen.

Annas dicit:

- 940 PISTU ain künig von ysrahel,
 So steyg ab dem kreutz gar schnell.
 Dar nach wellen wir gelauben
 An dich offenlich vnd taugen.
 Dw magst nit entgen,

945 Wann dw muest hye besten.

Secundus Iudeus:

PHACH! wie tarstu gesprechen,
Dw wolst den tempel prechen
Vnd jn dreyen tagen widermachen!
Dw hettest pillich zw disen sachen

950 Gesechen vor diser nott,
Wann dir nahent nun der tod.

Tercius Iudeus:

LASS yn hangen in aller weysz
Als der vogel speysz,
Vnd lasz jn an der sunnen dorren;

955 Darnach sey wir mit ym vnuerworren.

Tunc *pylatus* mittit quartum militem qui ponit titulum supra crucem.

Et dicit militj centurionj:

GEE, schlach daz auff daz kreutz oben an,
Daz alle, die da für gan,
In der geschrift mügen lesen,
Daz jhesus crist ist gewesen

960 Der künig, geporen von Nazareth,
Als yn dem pryeff geschriben stett.

Quartus miles dicit Rigmum:

ICH thuen es geren, lieber herre;
Mir ist da hin nit zeferre.

fol. 32^a

Tunc quartus miles venit ad crucem Et dicit:

O Ihesu, den juden zw eer
965 Hat gesand pylatus her
In kriechisch, hebreych vnd latein
Den tytulum vnd den namen dein:
Ihesus, der Iuden künig von nazareth,
Als jn dem prieff geschriben stett.

Quartus Iudeus vadit ad pylatum et dicit:

970 DER Iuden künig schreyb jn nicht,
Sunder, das er sich yeren künig gicht.

Pylatus:

WAS ich han geschriben, daz ist geschriben
Vnd wirt auch nymmer wider triben.

Tunc *Saluator* orat: "Pater ignosce illis, quia nesciunt quid faciunt":

Et dicit:

ICH pitt dich vater, herre gott:
 975 Durch dein götlich gepott
 Vergib disen menschen yr schuld
 Vnd verleich jn dein göttlich huld!
 Wann sy nicht wissen noch verstan,
 Was sy an mir haben gethan.

Latro a sinistra dicit:

980 Dw sagst vil von göttlichem gewalt!
 Ist es also vmb dich gestalt,
 Warumb woltestu nit vermeyden
 Sölch martter vnd leyden
 Vnd hettest dich söllichs tod[s] vwerhebt?
 985 Dw hettest natürlich noch lang gelebt.
 Darumb, pistu gottes kind,
 Von dem kreutz dich selbs entpind
 Vnd vns mit dir hilff ausz der pein,
 Wann wir jn geleicher marter sein.

Latro a dextra dicit:

990 O wee, dw fürchtest nit gott!
 Sich an dein aigne nott
 Vnd lasz dein pöses schelten sein!
 Wir leyden von warer⁴⁹ schuld pein
 Vmb mort, raub vnd pöse tatt;
 995 Awer diser herre hat
 Sein tzeytt vbel nye gethan.
 Herre, ich wil dich rueffen an!
 Warer mensch vnd warer got
 Durch göttlich gepott!
 1000 Gedenck an mich parmhertzigkleich,
 So dw kumbst in deines vaters reich!

fol. 32^b

Saluator dicit latronj:

FÜRWAR, fürwar sag ich dir:
 Dw wirst noch hewt sein mit mir
 In dem wunigklichen paradeisz
 1005 Vnd sechen den vater, sun vnd heyligen geyst.

⁴⁹ Ms. *waren*.

Scola Iudeorum canit. Interim venit *maria cleophe*

Et canit:⁵⁰

WAINET,⁵¹ vil libe(n) cristenhaytt,
 Vnser grosses hertzenlayd
 Vmb vnsern herren jhesu crist,
 Der nun gemartert ist
 1010 Von der pösen juden list.

Et dicit:

MERCK[T], yr frawen⁵² vnd yr man:
 Wie gar vbel haben dy juden getan,
 Daz sy got, den herren Ihesum crist,
 Der aller welt ain erlöser ist,
 1015 An schuldt haben pracht jn den tod.
 Des mues mein hertz ymmer seyn in not
 Vnd ymmer yn trawren stan,
 Seyd ich nun verloren han
 Ihesum, den vil lieben herren mein.
 1020 Awe, möcht es gesein,
 Das ich selber wer tod
 Für cristum vnd maria nott!

Deinde venit *maria magdalena* cantans sicut jnfra: 53

WAINEN muesz ich, des get mir not,
 Wainen muesz ich, vmb⁵⁴ gottes tod.
 1025 Der was mein pesunder trost;
 Dy welt hat er erlost
 Mit seinem pluets allso rott.

fol. 33^a

Et dicit ad jhesum:

ACH lieberr herre Ihesus crist!
 Wie yämerlich dw ermödet pist!
 1030 Dir ist dein krafft entwichen
 Vnd dein leyb gar verplichen;
 Des muesz ich ymmer trawrig wesen.
 Ach milder gott, wie solt ich genesen!
 Wie soll ich mich wenden oder keren!
 1035 Ich hab verloren meinen herren,

50. Pf. hat *dicit*; bei St. fehlt die Gesangstrophe. Cf. W., p. 70.
 51. Ms. *Wainen*. 52. Ms. *herren*; das richtige *frawen* findet sich
 in St. sowohl als Pf. Cf. W., p. 70. 53. Diese Cantatverse fehlen in
 St., stehen aber in Pf. Cf. W., p. 71. 54. *Vmb* von derselben Hand
 mit roter Tinte übergeschrieben.

Der mich genädigklich ansach
 Vnd mich gen martha versprach.
 O criste, lieber herre vil süesse!
 Dw liest mich waschen dein füesse
 1040 Vnd trugknen mit dem hare mein.
 Ich muesz ymmer klagen die marter dein.
 Nun kum tod vnd pyttrikaytt
 Vnd mach end meines hertzen layd!

Deinde venit maria mater jhesu cantans ad johannem:

AWE, awe sag an Iüngeling:
 1045 Wo liestu mein vil liebes kind?
 Oder wo hastu es gesechen?
 Dez soltu mir der warhaytt yechen.

Et dicit ad johannem:

SAG an, Iüngeling:
 Wo liestu mein liebes kind?
 1050 Oder wo hastu es am letzten gesehen?
 Des soltu mir der warhaytt yechen,
 Ob ich sein möcht pekummen,
 Ee daz ym daz leben wurd genummen.

fol. 33

Iohannes ad mariam:

AWE, awe, ausz aines Iuden hausz
 1055 Sag ich yn pluetigen gen herausz;
 Er trueg auff seinem rucken plosz
 Ain kreutz, daz was von holtz so grosz.

Et dicit:

O liebe mueter vnd frawe mein,
 Mir ist layd dein grosse pein
 1060 Vnd deines hertzen vngemach.
 Trost ist vns payden schwach.
 Das soltu fraw sechen an,
 Wann ich layder nicht enkan
 Vnd zw wenden nicht mag;
 1065 Wann der vnns allen freyden gab,
 Ist von den Iuden gefangen
 Vnd stett yn grossen schanden.

Maria canit:

IOHANNES, lieber öham mein,
 Ge mit mir zw der marter sein

- 1070 Vnd hilff klagen mir mein nott.
Awe, vnd wer ich für jn tod!

Et dicit:

- IOHANNES, lieber frewnt mein,
Lasz dir layd mit mir sein
Vnd für mich zw stundan dar, fol. 34^a
1075 Das ich seiner marter nem war,
Ee das er sein leben ende
Vnd den geyst heb in seins vaters hende.
Wann ich han jn nun layder verloren,
Der vns zw trost ward geparen.

Iohannes dicit:

- 1080 Maria, magt raine,
An alle sünd allaine!
Ich muesz dich layder führen dar,
Da dw seiner marter nembst war.
Frawen zucht soltu pflegen
1085 Vnd jn mässigklicher klag leben.
Tunc *Maria* plangendo vadit ad crucem.

Et canit:

AWE des ganges, des ich gee
Mit yamer vnd mit rewe!
Ich mag nit gesitzen noch gesteen,
Mein layd will⁵⁵ sich vernewen.

Iterum maria:

- 1090 AWE, awe,⁵⁶ yämerliche klag,
Die ich mueter arme trag!
Wann er was mir pekant,⁵⁷
Ee ich mueter ward genant.
Das sey dir, lieber sun, geklaytt
1095 Vnd auch der werden cristenhaytt.

Maria cantat Dum veniunt ad crucem:

HERTZEN kind, nun tröste mich!
Sich mich an vnd sprich:

55. Später hinzugefügt. 56 Das zweite *awe* ist mit roter Tinte
übergeschrieben; unser Text schliesst sich also hier Pf. an. Cf. W.,
p. 68. n. 1. 57. St. und Pf. haben das erste Wort des Verses correct
nach der älteren Form der Marienklage: "*Waunen* was mir pekant"
Cf. W., p. 68.

Wem will dw entphelichen mich !

fol. 34^b

Seyt ich nit gehaben mag dich ?

Tunc *Saluator* canit : " Ecce filius tuus " !

Et dicit:

- 1100 WEYB, den lieben Iunger mein,
Nym war für den sun dein.
Iohannes soll dir an meiner stat
Mit taylen hylff vnd ratt.

Saluator ad Iohannem : " Ecce mater tua " !

Et dicit:

- IOHANNES, lieber Iunger mein,
1105 Lasz dir das weyb entpfolchen sein.
Darumb gib ich dir zelon
Im hyml dy ewig kron.

Iohannes dicit ad mariam :

- MARIA, ich soll dein pfleger sein,
Das pefilcht mir der sun dein.
1110 Dw solt nit lenger klagen,
Sunder dein leyden willigklich tragen ;
Wann am dritten tag will er ersten
Vnd lebentig von dem grab geen.
Darumb, maria, raine mayd,
1115 Soll dir nit sein als grosz layd.

Maria canit:

NU ist ze wainen mir geschechen,
Das ich sein tod muesz ansechen ;
Den ich anschaw gar,⁵⁸
Mueter vnd auch⁵⁹ mayd gepar.

Et dicit:

- 1120 AWE, yämerliche nott !
Awe, pitterlicher tod,
Den dw kind leydest an schuld
Von der Iuden vngeduldt !
Awe, yamerliches layd,
1125 Das mein armes hertz trayd !

fol. 35^a

58. Vers iii8 lautet bei St. und Pf., wie in der älteren Marienklage :
" *Den ich ane swär gar.* Dies ist also ein grober Lesefehler unserer
Schreibers. Cf. W. p. 69. 59. Mit roter Tinte später überge-
schrieben.

O edle frucht, nun trost mich arme
Vnd thue dich üwer mich erparmen.

Saluator canit:

“Hely, Hely, lama zabathani”, hoc est: deus meus, deus meus,
vt quid dereliquistj me ”?

Et dicit:

GOTT vatter, wie hastu mich verlan
So yämerlich yn disem leyden stan!
1130 Herre vater, kürtz mir meinen schmerzen,
Den ich trag an meinem hertzen.
Wann ich willigklich leyd den tod
Vmb aller armen sunder nott;
Wann die weren ewigklich verloren
1135 Vnd gepeynigt yn deinem tzoren.

Quartus Iudeus:

NUN merckt yr herren all,
Wie euch dy red gefall.
Den ettlich für gott hetten,
Der rüefft an heliam, den propheten,
1140 Nach dem, als ich gehört hab.
Nun peytet, ob helyas köm herab
Vnd yn von disem hohen kreutz lösz.
Der trugner ist awer allso pösz,
Daz er ym⁶⁰ wenig helffen sol;
1145 Er hilfft ym nit, daz ways ich wol.

Maria canit Expansis manibus; Iohannes accedit eam;

AWE, awe, awe, ich hör einen grossen rueff:
Das ist jhesus, der mich peschueff. fol. 35^b
Ich hör seiner angsten not;
Awe, wer ich für jn tod!

Et dicit:

1150 O mein aller liebster sun,
Seytt daz dw stirbst nun,
So thue nach meiner pegier,
Das ich sterb mit dir.
Tot, prich mein hertz entzway!
1155 So hab ich mit ym trost manigerlay.

Sextus Iudeus:

LASZ da von, dw pöse trugnerin!

- Er soll haben klainen gewin;
 Vnd werstu noch zwir als⁶¹ posz vnd vnrain,
 Es hilfft dich nit lachen oder wain.
 1160 Gee von hynnen schnelligklich,
 Er muesz hangen ainem dieb gelich.
 Werstu ain frume⁶² mueter gewesen,
 Er wer durch dein leer wol genesen.
 Dw hast gesprochen, er sey gott;
 1165 Schaw, wie stestu yetzt in spott!
 Darumb gehin wehend vnd pald
 Oder ich schlaypff dich in daz kot mit gwalt.

Maria dicit:

- AWE, grosses hertzen layd!
 Memer augen spiegel wayd
 1170 Hab ich allso verloren;
 Dw warst mir doch zw trost geporen!

Ihesus canit: "Sicio". Et dicit:

- MICH dürst nach hayl der menschaytt,
 Durch der willen ich leyd grosses layd.
 Die soll heut werden erlost
 1175 Vnd von mir haben ewigen trost.

Primus Iudeus offert spongeam aceto plenam.

Et dat Ihesu dicens:

- Ey, er spricht, in dürst gar seer.
 Wir süllen hie nach meiner leer
 Von essig vnd von gallen
 Ain tranck zw samen wallen,
 1180 Das peut ich ym yn äinem schwamen
 Hin auff an des kreutzes stamen.

fol. 36^a

Ihesus dum gustasset noluit bibere. Et canit:
 "Consummatum est"!

Et dicit:

- NUN ist es alles volpracht,
 Was die propheten haben gedacht
 Von mir zw schreyben oder sagen
 1185 In den vergangen jaren vnd tagen.

Ihesus canit: "In manus tuas domine commendo spiritum meum"!

Et dicit:

HIMLISCHER vater mein!

- Lasz dir mein seel entpfolchen sein
 Vnd nym sy in dein hend,
 Wann mein leben hat ain end.
 1190 Vnd gib yr dy freyd schier,
 Die ich hab gehabt pey dir,
 Ee die welt peschaffen ward.
 Vatter, erhör mich an diser vardt !

Et inclinato capite emittit spiritum.

Tunc Maria dicit:

- AWE, not vwer alle nott !
 1195 Ist nun mein hertzen liebs kind tod ?
 Ist nun daz clare liecht erloschen,
 Dar auff dy sündler haben getroschen ?
 Kum tod vnd mir kür[z]lich penym
 Das leben, daz ich sey pey ym !

Centurio⁶³ canit: " Vere filius dei erat iste".

Et dicit:

- 1200 WARLICH, daz war gottes sun !
 Das verstee ich erst nun.
 Er ist fürwar gottes kind.
 Wir sein all gewesen plind,
 Das wir yn prachten zwm tod
 1205 Vnd namen auff vnns der sünden nott.
 Vns süllen pillich dy wundertzaychen
 Vnser verstantte hertz erwaychen :
 Man sicht dy sunn verliesen yeren schein
 Von wegen der grossen marter [und] pein—
 1210 Sunder auff so lanng zeytt,⁶⁴
 Als sich dy vinsternusz geytt.
 Auch entpfind man dy erd zitteren
 In seinem tod also pitteren.
 Auch sech wir dy stain zerspalten,
 1215 Daz ist göttlichem gwalt gehalten,⁶⁵
 Auch sech wir die grosse geduld,
 Wie vil er hat gelitten ane schuld.

fol. 36^b

63. Wie der nebenstehende Name des Spielers zeigt, ist dies *quartus miles*. 64. Vor Vers 1210 müssen 2 Verse fehlen und zwar schon in der gemeinsamen Vorlage, da auch St. und Pf. hier eine Lücke aufweisen. PICHLER lässt daher in seinem stark modernisirten Abdruck dieses Passus p. 24. Vers 1205 und 1206 einfach aus. 65. St. hat hiernach zwei Verse, die auch bei Pf. fehlen. Cf. W., p. 67.

- So hab wir auch gehort daz grosz geschray
 Do ym prach sein hertz entzway,
 1220 Daz von kainem noch nye ist geschechen :
 Daz muesz ich für dy warhaytt yechen.
 Vnns soll darumb pillich wesen layd,
 Daz er ledt dy grossen pyttrikaytt.
 Varumb, herre gott, gib, daz ich verstee,
 1225 Die ich recht yn deinem gepot gee.
 In gantzem hertzen des pitt ich dich,
 Daz dw auch parmung habst vber mich ;
 So wirt ich, herre got, an allen wan
 Das ewig leben mit dir han.

Maria cadens in terram Canit :

- 1230 (VOR) tod, awe tod, tod nun nym vns payde,
 Das er nicht allaine so yämerlichen von mir schayde !

Iohannes dicit ad mariam :

- STEE auff, maria, liebe muem mein,
 Vnd lasz dein haysses wainen sein !
 Den tod, den erlitten hat dein sun,
 1235 Der kumbt aller welt zw frum.

Maria canit :

- DEIN pluet mich rottet,
 Dein not mich nöttet,⁶⁶ fol. 37^a
 Dein tod mich töttet !
 Awe, mir der grossen not !
 1240 Awe mir, ja ist er todt !

Iohannes ad mariam :

- MARIA, dw edle künigin,
 Dw solt prauchen deinen synn.
 Sein tott hat vnns ernert
 Vnd der helle pein gespertt.
 1245 Darumb, maria, lasz von deiner klag,
 Wann er erstett an dem dritten tag.

Deinde Iudej vadunt ad pylatum et petunt vt franguntur crura
 eorum Ne vltro sabbatum permaneant in cruce.

Secundus Iudeus dicit pylato :

HERRE pylate, die schacher, die du liest pliben,
 Noch do vor auff dem kreutz ligen.

66. Vers 1237 findet sich in Pf., fehlt aber in St. Cf. W. p. 67.

- Nun wissen wir nicht, ob sy sein gestorben ;
 1250 Darumb haben wir deine knecht geworben,
 Daz in von deinem gunst werd ge(s)prochen
 Ire pain vnd dann jn dy erd gerechen ;
 Wann es der österlichen zeyt wol zymbt,
 Daz man sy von dem creutz nymbt.

Pylatus dicit ad Iudeos :

- 1255 GET hin vnd thuets als yr welt,
 Wann mir daran nicht miszuelt.

Tunc milites cum Iudeis⁶⁷ vadunt et frangunt crura latronum.—Et
 jbi nota quod interim dispones Longinum.—⁶⁸

Tercius Iudeus dicit primo militij : fol. 37^b

- NATHAN, nun prich den schacheren pain vnd armen⁶⁹
 Vnd lasz sy dir nicht erparmen.
 Schlach dar frischlich, schlach,
 1260 Daz es thue ainen grossen krach ;
 So nymbt man sy nach dem tod her ab
 Vnd legt sy in ain grab.

Et deponuntur latrones et dum deuenerunt ad jhesum jnuenerunt
 eum mortuum.

Quartus judeus dicit :

- WAS well wir an ym rechen?
 Wir pedürffen sein pain nit prechen.
 1265 Sein sel ist ym entgangen ;
 Lasset yn nur allso hangen.

Ibi disponatur Longinus Qui venit cantando :

AMBULO, herr, von yericho,
 Mach mich armen plinden fro.

Seruus longinj dicit :

HERRE, hebt auff ewre pain,

67. Ursprünglich hiess es nur "*Iudei vadunt*" doch corrigirte dieselbe Hand: *milites cum Iudeis*. 68. Diese Spielanweisung scheint verfrüht, zumal eine ähnliche nach Vers 1261 sich findet. Doch ist zu bedenken, dass Longinus blind ist und nur langsam auf dass Kreuz zutappt. Im Alsfelder Spiel spricht er mit seinem Diener, bevor er sich dem Kreutze nähert, "*stans a longe de cruce*". Es ist daher sehr wohl denkbar, dass Longinus schon an dieser Stelle auf der Bühne erscheint. 69. Die Antwort des miles fehlt hier sowohl als in Pf., in St. ist sie später hinzugefügt Cf. W., p. 12, 13, 83 84.

- 1270 Daz yr euch nit stost an ain stain.
 Wann vielt yr nyder zw der erden,
 Ir wurd mir allain zw schwer werden,
 Daz ich euch nit möcht auff erheben ;
 Darumb get schon vnd tret eben.

Et cum veniunt ad crucem

Longinus dicit:

- 1275 MÖCHT ich recht gesehen,
 So wolt ich pald spechen
 Mit meinem^m scharffen sper,
 Ob er noch lebt hintz her.

Quintus Iudeus dicit ad longinum:

- LONGINE, lieber ritter, stich dar,
 1280 Guetten lon soltu haben fürwar,
 Das vns der poszwicht nit petrieg
 Vnd den juden vor lieg.

Longinus dicit ad seruum suum:

fol. 38^a

- SCHALANT, lieber knecht, fuer mich dar
 Vnd nym der rechten seyten war ;
 1285 Dar an setz eben an daz sper,
 Daz ich ym den leyb verseer.
 Dar ein will ich stechen mit krafft
 Daz scharff sper hintz an den schafft
 Vnd will ym daz hertze spalten,
 1290 Ob sich sein seel het verhalten
 Oder ob ain wenigs leben in ym peliben ;
 Daz müest von mir werden auszgetriben.

Seruus longini dicit:

- DAZ willich thuen, mein herre guet.
 Halt daz sper in deiner huett,
 1295 Ich will ymbs setzen recht vnd eben,
 Daz dw ym pald verserst sein leben.
 Nyemant darumb sorg pedorff ;
 Daz sper ist wal also scharff,
 Als pald er damit wirt peruert,
 1300 So ist ym sein leber gar zerfüert.

Tunc famulus apponit longinj lanceam.

Et dicit ad dominum:

Nun stich da zw seinem hertzen

Vnd püesz ym ettlich seinen schmertzen.

Longinus fingit et defluit sangwis: Tunc *longinus* jlluminatur Et canit: "Vere filius dei erat iste".

Et dicit:

- HÖRT, yr vil lieben leytt!
 Gross wunder ich euch pedeutt,
 1305 Das mir von disem mann ist peschechen:
 Ir habt all gehört vnd gesechen,
 Daz ich gewesen pin plint.
 Nun pekumbt mir von gottes kind,
 Daz ich wider hab mein gesicht;
 1310 Er ist fürwar göttlich geschicht.
 Ihesus ist zwar ain heylicher man. fol. 38^b
 Wir haben all vnrecht gethan,
 Daz wir jn haben erschlagen;
 Daz süllen wir alle klagen.
 1315 O milder gott, ihesu crist!
 Ich erkenn, daz dw pist
 Ain erlösser aller menschaytt
 Mit deines todes pyttrikaytt.
 Ich pitt dich, allmechtiger gott,
 1320 Durch deinen vnuerdienten todt,
 Daz dw dich wellest erparmen
 Vwer mich longinum vil armen.

Maria canit:

- DURCH gott,⁷¹ yr frawen all gemain,
 Payd keusch vnd auch rain,
 1325 Ich hab mein liebes kind verloren.
 Kain lieber kind ward nye geparen;
 Es was meines hertzen wunne,
 Auf fürsten land kummen,
 Zw ainer mueter hat es mich ausz erkoren.

Et dicit Rignum:

- 1330 HERRE vater vnd mein got!
 Nun ist erfüllt dein gepott.
 Ich het dich mir allain ausz erkoren,
 Nun hab ich dich verloren.
 Des⁷² mag ich nit frolich werden,

71. Mit roter Tinte übergeschrieben.

72. Ms. *das*.

1335 Die weyl ich leb auff diser erden.

Tunc Ioseph cum seruo suo venit ad Nicodemum.

Et dicit Ioseph:

ICH pitt dich Nycodem, Edler man,
Daz dw mir heut wellest peystan,
Daz wir jhesum, den hochwerden,
Bestatten zw der erden.

fol. 39^a

Nycodemus ad Ioseph:

- 1340 IOSEPH, lieber freund mein,
Ich will dir geren hilfflich sein.
Was mir darumb laydes peschicht,
Des will ich alles achten nicht.
Hab wir yn vor⁷³ lieb gehabt,
1345 So soll wir noch sein vnuertzagt
An ym yn allen seinen nöten,
Vnd soll man vns darumb tötten;
Wann der herre jhesus crist
Vnser got vnd erlöser ist.

Ioseph ad Nycodemum:

- 1350 NYCODEM, schaw an das wunder,
Wie ain yedlich creatur pesunder
Sich üwer den menschen erparmet.
Warlich, er hat vns hart erarnet!
Wir süllen ym erberlich faren mit
1355 Vnd pestätten nach vnserem sytt.
Gee wir auch zw der mueter sein,
Die dort ist in grosser pein,
Vnd reden mit yr darumb,
Daz sy vnns auch des vergunn.

Nycodemus ad Ioseph:

- 1360 IOSEPH, dw hast dy red wol erhaben.
Wir sollen yn schon pegrahen.
Ich pin, der des nachtes zw ym kam
Vnd vber mein sünd rew nam.
Ich fragt yn vmb das ewig leben,
1365 Da wurt mir ze antwurt geben:
Wir weren all verloren,
Wir wurden dann zw dem anderen mal geporen.

- Mit der red hat er gemainet
 Dy tauß, dy da gantz rainet
 1370 Alle menschen, dy da sollen genesen,
 Wänn do pin ich sein rewiger⁷⁴ junger gewesen.
 O, wo sind nun dy getrewen,
 Dy vns mit gantzen rewen
 Heut helffeu pegraben und pewainen⁷⁵ fol. 39^b
 1375 Ihesum crist, den vil rainen!
 Nun süllen wir auch mariam stillen
 Vnd yn pegraben nach yrem willen.
 Tunc vadunt ad mariam.

Joseph dicit marie:

- MARIA, ich vnd Nicodemus
 Begeren den leychnam jhesus
 1380 Wirdigklich zw dem grab pesteten;
 Dar zw soltu vns auch ratten.

Iohannes respondit loco marie

et dicit:

- MEIN fraw ist worden allso kranck,
 Daz sy vor mir nyder sangk
 Von wegen des grossen klagen,
 1385 Daz sy hat heut getragen.
 Darumb sy euch nit mag zw gesprechen,
 Ir möcht vor layd daz hertz zerprechen;
 Awer den leichnam cristj werden
 Solt yr pringen zw der erden.

Nycodemus ad Ioseph:

- 1390 IOSEPH, so gee wir hin zw pylato
 Vnd pitten yn fleysigklich allso,
 Daz er⁷⁶ vns erlaubt zw pegraben
 Ihesum, den wir lieb haben.

Tunc Ioseph et Nicodemus vadunt ad pylatum.

Ioseph dicit ad pylatum:

- HERRE pylate, ich pitt dich,
 1395 Des soltu geweren mich:
 Erlaub den leychnam jhesu mir,

74. Ms. *ewiger*, also derselbe Lesefehler wie bei St. Cf. W., p. 14.

75. Die Stellung der beiden Verben war erst: *pewainen vnd pegraben*.
 76. Ms. *yr*.

Des will ich ymmer dancken dir,
 Daz wir jhesum von dem creutz nemmen herab
 Vnd yn legen yn daz grab.

Pylatus dicit:

1400 IOSEPH vnd Nycodem,
 Ist awer also dem,
 Daz ihesus ist gestorben,
 Darumb yr yetzt habt geworben?

Joseph dicit:

fol. 40^a

HERRE pylate, er ist nun tod
 1405 Vnd hat vber wunden sein not.
 Solt er awer ausz der juden neyd
 Hangen vber dy österlich zeytt,
 So fürcht ich, daz der juden schar
 Zw aller stund l[a]uffen dar
 1410 Vnd treyben ausz ym yr gespött.
 Pylate, eer den hochwirdigen got
 Vnd schaff, daz man es für sech,
 Daz ym kain laster nit mer geschech.

Pylatus querit a centurione:

EDLER ritter centurio,
 1415 Sag an, ist es also,
 Daz jhesus nun sein leben
 An dem kreutz hat auff geben?

Centurio dicit:

HERRE pylate, als dw hast gefragt,
 Dar auff sey dir antwurt gesagt,
 1420 Daz ich daz gesechen hab,
 Daz er sein leben auff gab,
 Da(z) pey vil grosser zaychen sein geschechen.
 Ich muesz mit der warhayt yechen,
 Daz er ist gewesen ain frummer man;
 1425 Wir haben ym all vnrecht gethan.

Pylatus dicit:

IOSEPH vnd nycodem, seytt gewertt
 Alles, daz yr yetzund pegertt.
 Ich will euch geren vergunden
 Den leyb ihesu, der da ist gepunden
 1430 An daz creutz; den nembt herab

Vnd pestetet yn zw dem grab.

Joseph dicit:

HERRE pylate, wir dancken dir,⁷⁷

Daz dw vns gewerest schir

Mit gab des werden leychnam,

1435 Der an schuld den tod nam .

Tunc vadunt ad crucem.

Nicodemus dicit:

fol. 40^b

WOL her, joseph vnd lieber knecht,

Vnd helfft, daz wir mügen recht

Pringen den heyligen leychnam

Von des hohen⁷⁸ kreutzes stam,

1440 Der vil seer gespannen ist

Daran von der juden list

Mit starcken nagelen vnd langen.

Leich mir her hamer vnd zangen ;

Der pedarff ich yetzund gar wol,

1445 Seyt ich den nagel gewonnen sol.

Tunc Nycodemus ascendit per scalam.

Servus eius dicit:

SEE hin, hamer vnd zangen ;

Magstu sy awer erlangen,

So will dich nit saumen,

Daz dw wol mugst raumen

1450 Dy nagelen ausz seinen henden ;

Da⁷⁹ zw magstu dich nun wenden.

Joseph dicit seruo suo:

SCHMIDEL, lyeber knecht,

Hye wirt es mir eben vnd recht ;

Vnd leich mir auch hamer vnd zangen,

1455 Da mit ich jhesum müg erlangen

Vnd dy nagel grosz müg gerucken,

Daz der herre jhesus an seinem rucken

Nicht lenger daz grosz holtz trag.

Nun will ich, ob ich mag,

1460 Ihesum von dem kreutz heben

Vnd yn jn ewr hendt geben.

77. Vers 1432-1435 fehlt in Pf. Cf. W., p. 71. 78. Ms. *hohes*.
79. Ms. *daz*.

Seruus joseph[i] dicit:

- HERRE, ich pin hye peraytt
 Mit euch zw tragen dy arbaytt.
 Da nym hin hamer vnd tzangen,
 1465 Der leychnam soll nit mer hangen.
 Mir geet gar nahent zw hertzen
 Des gueten mannes pein vnd schmerzten.

Ioseph dicit:

- O Ihesu, dw vil gueter,
 Wer soll nun trösten dein liebe mueter!
 1470 Die ist layder in grossz nott fol. 41^a
 Vmb deinen pitteren todt.
 Ich fürcht, sy mich⁸⁰ nit genesen,
 Als gar traurig ist sy gewesen
 Vmb dein tödlichs layd.
 1475 Ich sprich es pey meinem ayd,
 Daz ich trag jn meinem hertzen
 Grosses layd vnd pitteren schmerzten.

Synagoga canit Interim. Ihesus deponitur de cruce.

Et mater eius accedit cum Et canit:

- AWE, wo sol ich mich hin keren!
 Mein vngemach wil sich meren.
 1480 Awe, mir hertzen liebes mein⁸¹ kind!
 Ia, wist yr wol, wie lieb sy sind!
 Awe, wo sol ich nun trost vinden!
 Mein hend dy muesz ich winden
 Umb mein hertzen liebes kind.

Nicodemus dicit:

- 1485 MARIA, dw edle frucht,
 Wir müessen heind wider dein zucht
 Ihesum, deinen sun, von dir tragen.
 Dw solt nun lassen dein klagen.
 Ioseph, lasz vns fürpasz gen,
 1490 Wier süllen nit lenger hie sten.

80.=dem häufigeren *müg*; *ü* ist gleichwertig mit *i* im Bairischen, das *ch=g* bietet keine Schwierigkeiten. Cf. Vers 1532. 81. Der Schreiber hatte bereits *kind* geschrieben, strich es jedoch aus und setzte *mein* in dieser ungewöhnlichen Construction.

Et tunc violenter quasi Recipiunt corpus cristi Et deferunt ad sacramentum Et canunt: "Ecce quomodo moritur iustus," etc.⁸² fol. 41^b

Joseph dicit:

SECHT, wie der gerecht gestorben ist!
Der was fürwar an argen list.
Seinen tod vnd grossen schmerzen
Niemand tregt in seinem hertzen.
1495 Er hat den pitterleichen tod
Gelitten durch der welde nott.

Maria canit:

AWE, nun will man dich pegraben!
Das muesz ich armes weyb nün klagen.
Nun muesz ich mich von dir schayden
1500 Mit jamer vnd mit grossem layde.
Awe, wo sol ich arme hin!
Im hertzen ich petruebt pin
Von meines lieben kindes tod.⁸³

Iohannes dicit:

.fol. 42^a

HERTZEN lieb frawe,
1505 Dw solt nit sprechen awe!
Sunder hab guetten muet;
Das ist mein rat vnd ist auch guett.
Dir soll pillich sein vrstende
Dein hertzen layd wenden,
1510 Vnd seyde er dich mir entpholchen hat,
So will ich dir helffen an seiner stat.

Cayphas dicit ad Ioseph:

IOSEPH, wie tarstu jhesum pegraben,
Das wir doch nit geschaffen haben?
Wir hetten selbs wol gewest,
1515 Was vnns wer zw thuen daz pest.

Ioseph Respondit:

DAS han ich durch guet gethan.
Er gedanckt mich ain frummer⁸⁴ man;
Wann er was mensch vnd got.

82. Es ist nach diesen Worten ein freier Raum gelassen, jedenfalls zur Eintragung der Cantatverse und der Noten bestimmt. 83. Der hier fehlende Vers lautet bei PICHLER p. 35, nach Tiroler Handschriften: *Awe mir der grossen not!* 84. Corrigirt aus *gueter*.

Solt er der welt zw spot
 1520 Sein gehangen ausz ewrem neyd—⁸⁵
 Daz wer in allen landen
 Vns gar vöbl angestanden.

Annas dicit:

Dw solt wissen sunder wan,
 Das dw nit recht hast than.

Ioseph respondit:

1525 WIE seyt yr mir als gehasz
 Vmb das, das ich so vleyssig was,
 Das mir ihesum pylatus gab;
 Den legt ich⁸⁶ in ain news grab
 Vnd vmb wand yn mit tüechlein rain;
 1530 Ich pedeckt das grab mit ainem stain.
 Daran hab ich gar wol gethan
 Als verre vnd ich mich verstan.
 Awer yr habt vöbels geworben,
 Wann er ist von euch gestorben.

Annas dicit:

1335 IOSEPH, so hör ich wol,
 Das dich dy jüdischayt haltten sol
 Als ainen der sein junger ist.
 Da von wirt in kurtzer frist
 Dein leyb vnd auch dein leben
 1540 Mit grymen yn den tod geben.

fol. 42^b

Ioseph dicit:

ICH verlaugen meins got[s] nicht,
 Was mir darumb von euch peschicht.

Cayphas ad Ioseph:

So muestu vnnser gefangen sein
 Vnd muest leyden von uns des todes pein,
 1545 Seyt ich ye an dir spür,
 Kumbt dy österlich zeytt herfür;
 Dw muest darumb sterben
 Vnnd lästerlich verderben.

EXPLICIT PASSIO.

85. Der fehlende Vers ist in Pf. *Hincz über die heilig zeyt.* Cf. W. p. 20. 86. Ms. *ich legt.*